

## 09.03 MARELLA

---

### **Johannes Badrutt – «il Patriarca di San Maurizio»**

*Pionier, visiunari, scheni da marketing e fundatur dal turissem d'enviern – quai èn mo in pèr associaziuns ch'èn colliadas cun il num da Johannes Badrutt.*



Che San Murezzan è daventà il lieu preferì da la high society ha bler da far cun la figura legendara da Johannes Badrutt (1819-1889), oriund da Pagig en il Scantvetg, che ha fatg ord la simpla «Pension Faller» il nobel «Hotel Engadiner Kulm». Ussa, 200 onns suenter sia naschientscha, sa metta la «Marella» sin ils fastizs dal «Patriarca di San Maurizio», sco el vegniva numnà dal poet talian Bernardino Zendrini. En ils archivs dals hotels «Kulm» e «Badrutts Palace» a San Murezzan avain nus chattà brevs, skizzas e documents da sia vita, da ses projects e davart las legendas enturn la persuna, Johannes Badrutt.  
*Redacziun: Maria Victoria Haas*